



Dua surat penting dari peminat Majalah Qalam

Surat yang pertama:

Kepada Tuan Abu Al-Mokhtar,
Majalah Qalam,
Petaling Jaya,
Kuala Lumpur.

Tuan,

Baru-baru ini kita masyarakat Islam heboh dengan perbuatan musuh-musuh Islam yang sengaja membungkus barang-barang dengan Qur'an. Oleh sebab kekecohan ini merebak ke mana-mana, musuh-musuh ini sudah tahu akan kesalahannya dan

mungkin mereka takut akibat-akibatnya, syukurlah perbuatan ini tidak berpanjangan.

Tetapi tahukan tuan satu taktik baru telah dijalankan dengan sengaja dan secara tak disedari oleh kita, iaitu dengan cara menyalin ayat-ayat (Qur'an) itu dalam akhbar-akhbar. Bukankah sudah dibaca, akhbar-akhbar ini akan dibuat bungkus pula? Dan mungkin dipijak-pijak atau dibuang di merata-rata. Tidakkah ini menjadi satu kesalahan?

Contohnya ada saya kembarkan bersama ini. Harap dapat pandangan dari pihak tuan, kalau perlu ulasan dalam majalah tuan. Ayat ini terang hingga boleh dibaca dengan mata kasar sendiri.

Ngah Bin Muda

M.M.T. (S.) B. 128

Tanah Lot Atas Tol. Kuala Terengganu.

* * *


Surat yang kedua:

Yang Terhormat Tuan Abu al-Mokhtar,
Majalah Qalam,
Petaling Jaya,
Selangor.
Tuan,

Bersama-sama ini saya kembarkan dua muka surat ayat Qur'an dengan tafsirnya sekali. Lembaran ayat-ayat suci ini saya dapati tertulis di dalam sebuah buku "cenderamata"

Pertandingan Membaca Al-Qur'an yang telah dibahagi-bahagikan dengan percuma pada malam pertandingan Al-Qur'an yang telah diadakan di Stadium Merdeka pada bulan Ramadān yang lalu.

Yang mendorong saya menulis surat ini dan menghantarkan lembaran ayat-ayat suci ini kepada tuan, kerana buku 'cenderamata' tersebut saya jumpai bersepah di tepi sebuah jalan raya yang tidak berapa jauh dari Stadium Merdeka itu. Saya dapati bahagian sebelah luar (kulit) buku 'cenderamata' ini telah lusuh dan kotor bekas digelek oleh motokar atau mungkin bekas dipijak-pijak oleh manusia yang lalu-lalang di atas jalan raya itu.



Oleh kerana pada kulit buku
“cenderamata” yang saya jumpai
itu ada tertulis jumlah kata
“Pertandingan Membaca al-Qur’ān” dengan
huruf Jawi, maka ia pun saya
pungut. Alangkah terkejutnya saya, ketika
lembaran “cenderamata” itu saya
buka sehelai demi sehelai, saya dapati
pada muka kedua ada sebuah gambar
lukisan bendera yang dijadikan lambang
“Pertandingan Membaca al-Qur’ān” yang
tertulis pula di atasnya sepotong ayat
suci dan kalimah tauhid yang
berbunyi: *“Afalā yata dabbarūna al-Qur’ān*.
Lā ilāha illā Allāh Muḥammad Rasūl Allāh”.
dan pada muka (15) pula saya
dapati dua muka penuh ayat-ayat suci
dan tafsirnya yang dicabut daripada
“Sūrah al-Baqarah” (sila lihat
contohnya yang saya kirimkan bersama
surat ini).

Oleh sebab saya seorang Muslim, saya sangat terharu di atas perbuatan mereka yang tidak menghormati

kemulian dan kesucian kitab Allah al-Karim, dan tergamac pula mereka membuangkan ayat-ayat Tuhan yang wajib disanjung tinggi oleh setiap umat Islam, di tepi-tepi jalan raya tempat manusia segala bangsa melanda dan memijaknya.



Demi untuk menjadi satu
ingatan kepada pihak yang bertanggungjawab
melakukan perbuatan yang memperhina-hinakan
ayat-ayat Tuhan ini, maka saya harap
kepada tuan dapat memberikan ulasan-ulasan
yang panjang lebar atas perkara ini.

Sekian atas kerjasama pihak
tuan itu terlebih dahulu saya
persempahkan ucapan terima kasih yang
setinggi-tingginya.

Pemuda Yengki Muslim

Kuala Lumpur.

Jawapan dan ulasan

Di pihak kitalah yang sepatutnya memberikan ucapan terima kasih kepada dua orang pembaca majalah Qalam yang dengan perasaan penuh keinsafan telah mendedahkan suatu kejadian yang menyentuh kemuliaan kitab suci Islam “al-Qur’ān al-Karim.”

Menurut ingatan kita soal
seperti ini memang telah pernah berlaku
dan mendapat tantangan yang hebat dari
orang-orang Islam di ruangan majalah dan
akbar-akbar Melayu di beberapa masa yang lalu.
Tetapi setelah mendapat tantangan yang
begitu hebat dari masyarakat Islam
di negeri ini, maka perbuatan yang tidak
kita ingin itu menjadi reda
dan lantas hilang, kemudian timbul
pula dan apabila ditentang senyap
lagi, seolah-olah perbuatan yang tidak
disukai oleh umat Islam dalam
negeri ini dengan sengaja dilakukan
atas tujuan mempersenda-sendakan ayat-ayat
Tuhan yang terkandung di dalam kitab
suci al-Qur'an al-Karim yang
sentiasa disanjung tinggi dan
dimuliakan oleh seluruh masyarakat
Islam.

Contoh pertama:

Contoh pertama yang dikirimkan oleh Saudara Ngah bin Muda, ialah merupakan suatu iklan “tafsir al-Quran al-Karim” dalam bahasa Indonesia yang telah diterbitkan oleh salah sebuah penerbit yang dipunyai oleh orang asing yang bukan beragama Islam di Singapura. Iklan tersebut ada disiarkan oleh sebuah surat khabar Harian Melayu tulisan rumi yang